

30 Jahre Sierninger Herrenrunde

Jubiläumsherrenabend mit Frauen am Fr., 29.11.2024

Griäß euch Gott ban Hiasmoar-Wirt,
heit is wohl Grund zan Feiern,
dreissg Jahr Stammtisch unbeirrt -
ih mecht was G'reimts beisteuern!

A Tupper-Party war der Grund,
als Ausnahm - nur für d Manner,
dann wiss ma, des is doh koa Schund
und reissn d Geldkatz dauna.

Fazit, seit denselbign Tag
kemma jeds Monat oamal zaum,
oana macht sih jeweils d Plag,
suacht aus a gscheits Programm!

Themenmäßig gehts oft rund,
Kultur und Gaudi, a guats Essn -
da steigt s Gwicht, des is der Grund,
dass mar am Sport vergessn.
Netta d Schitag san nuh gfragt,
mehr zwegn der Hüttngaudi,
auf der Pistn, ehrlih gsagt,
san uns vül z'vül Rowdy.

Oamal hats in Martin bärt,
er is z'spat eintroffn,
koana hatn kemma ghert,
muass er halt in Auto schlafn.
Oder drent in Linz ban Dom,
Hans und ih haum zetert,
weil da siachst ja fast bis Rom,
na - ah wanns uns rettd!

Mörbisch war erlebnisreich,
der Klaus, der bringt was weida
er schafft sogar am großn Teich,
an Treff mit Alfons Haider!
Eisstockschiassn, Keglscheibm
kann uns net verdriassn,
da wirts oft zan Huckableibm -
und nächstn Tag zan Biassn!

Der Karl und der Michael
san große Weingeniesser,
an Saurampfer dakennans schnell,
den lassns steh für d Spießer.
An eigna Keller hat der Paul,
kann jederzeit was tringa,
und wer da hinkimmt, woäß genau,
da herst de Glasl klinga.

Der Alfred brennt sein Schnaps jeds Jahr,
macht Spezialitätz,
und andre schleckan d Fingern gar,
weils sowas ah gern hättn.
Der Klaus dagegn, der kocht recht gern
macht lauter guate Sachn,
in Wirtshaus aber, meine Herrn,
kannst eahm schier nix recht machn.

Der Martin kann s Fotografiern
und der Hans steht auf Prosecco,
der Gerhard is fürs Ausprobiern,
der Alois kennt Art-Deco,
der Christian und ah der Tom
san Weissbierfans, ganz große,
da werd'n de zwoa dann lamperlfromm,
ersetzt a Vollnarkose.

Der Stefan hat koa Plag mitn Gwicht
und kann in oan fort essn,
sei Waag sagt nia, es droht Verzicht,
der Neid kunnt oan da fressn!
Der Peter und danebm ah ih,
san stolze Zwillingssopa,
da saust ma gern bis Wean oft hin,
oder durch halb Europa.

Am Freitag grad vorn Ultimo
kann uns fast nix mehr haltn,
zan Stammtisch samma alle da,
ob Kreizweh oder Faltn!
Alls in alln warns schene Jahr,
solln nuh recht lang dauern,
d Freindschaft is net in Gefahr,
ob in Freid und a banTrauern.

Dreissg Jahr samma scho banand -
d Siernga Herrenrundn
hat ah online ihrn Bestand,
warn mit Zoom verbundn.
Denkts hiatzt kurz a wengerl zruck
an de erstn Stundn,
z'erst a Prosit, nehmts an Schluck,
lassts eich as guat mundn!